



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Johannis Meyeri S. Literarum Doct. & Prof. Uxor
Christiana Sive De Conjugio Inter Duos Deque Incestu Et
Divortiis, Dissertationes Tres**

Meier, Johannes

Amstelædami, 1688

Illustrissimis Comitibus Ac Dominis, Domino Simoni Henrico Comiti Regenti
Et Nobiliori Domino In Lippia ... Ac Domino Casimiro, Comiti Et Nobiliori
Domino In Lippia. Dominis Suis Clementissimis.

urn:nbn:de:hbz:466:1-40272

ILLUSTRISSIMIS COMITIBUS

AC DOMINIS,

DOMINO

SIMONI HENRICO

COMITI REGENTI ET NOBILIORI DO-

MINO IN LIPPIA: LIBERO ET SU-

PREMO DOMINO VIANÆ, AMEI-

DÆ ETC. BURGGRAVIO

ULTRAJECTINO ETC.

AC DOMINO

CASIMIRO,

COMITI ET NOBILIORI DOMINO

IN LIPPIA.

DOMINIS SUIS CLEMENTISSIMIS.



Ræfens Opusculum, quod Illustrissimis ve-
stris oculis contemplandum exhibeo, parum
dignum videtur, si formam spectetis, quod
tantis Nominibus offeratur, sed Argu-
mentum ejusmodi est, quod sua se necessi-
tate & utilitate commendat. Græcis &
Romanis Legum conditoribus, de Reipublicæ salute
maxime sollicitis, nihil olim prius & antiquius fuit,
quam ut a legibus matrimonii, quod omnis amoris
principium, humanæque societatis est vinculum, exor-
dium auspicarentur, qua in re Deum quadantenus sunt

* 2

imi-

imitati, omnium primam legem de Conjugio primis nostris parentibus promulgantem. Etsi, quæ illi de Nuptiis tradidere, ductu quodam naturæ, quæ nunc corrupta est & depravata, neutiquam sint comparanda cum sanctissimis legibus Christianis, ut vel hoc doctissimis Viris optimum inter alia & dignissimum visum sit argumentum, ad probandam Religionis nostræ divinitatem, Scripturæque auctoritatem, quod de Conjugio Christus & Apostoli, nostrorum Sacrorum auctores ac duces, tam casta & pudica, primævæ Institutioni, & per consequens ipsi naturæ, in creatione fundatæ, congrua dederint præcepta, nullis potissimarum gentium legibus expressa, neque ullo hominum arbitrio profecta. Ideoque matrimonium contractum esse pure politicum, ab Ecclesiastico regimine nullo modo dependens, temere a nonnullis eo fine asseri videtur, ut circa illud pro arbitrio definiendi libertatem sibi sumant, qualem ne quidem ethnici legislatores, crassè circumfusi tenebris, civibus suis concesserunt, quum hominis nunc natura proclivis sit ad libidinem. In Hebræorum Republica, quam ipse Deus ordinavit, sacrarum legum Interpretes, magno rerum divinarum usu instructi, Casus matrimoniales explicabant, & de divortio respondit Salvator, quem admodum hodieque Christianis, in vestro etiam Comitatu, laudabili more receptum, ut de Dubiis nuptialibus Responsa dent divini simul ac humani Juris Consulti. Nec ægre ferant causarum Patroni, si jura humana emendandi ex Pandectis divinis facultatem quandoque sibi sumant Theologi. Multi hodie jure naturali, & divino Veteris saltem Instrumenti (quod de utroque alii asserere non verentur) polygamiam licitam esse, scribunt & dictant, quia neque Juris naturæ, quod omnium animis a creatore insculptum, omnis æquitatis est fundamentum, neque legum divinarum, verum conceptum habent, & exempla male appli-

DEDICATION

applicare consueverunt; alii eandem veritatem, gladioque & capitaliter puniendam esse judicant. Ego in Dissertatione prima contrarium ivi demonstratum, tam quod sit illicita, quam quod non capitaliter plectenda, quamvis nullus dubitem, quin pœnæ pro circumstantiarum varietate augeri minuiue possint a supremo Magistratu. Et varii casus a priscis ac recentioribus Juris Interpretibus vel permisi vel prohibiti sunt, qui hic aliter explicantur. Utrum v. gr. matrimonium cum novercæ filia, sive privigna, cum fratris uxore & uxoris sorore, nec non divorcium plures ob causas, quam ob solam fornicationem prohibitum licitumve sit, non nisi sacrarum literarum Interpretibus, sive linguarum peritis, rite judicare datum est. Quod autem Illustrissimis Vestris Nominibus, *Illustrissimi Comites*, hanc lucubrationem dedicare sustinuerim, causa me non impulit una. A Vestra Dignitate, antiqua Profapia & Heroica indole auspicari, & majorum virtutes ac merita prædicare possem, de quibus vestri Annales, & Scriptores exteri fide dignissimi; refricare possem memoriam superioris sæculi, quomodo in Ecclesiæ post Cimmericas tenebras e Babele egressu, pio zelo, vicini Hassiæ Landgravii exemplo, Lippiæ Comites Reformationem, ut optimi Ecclesiæ Nutritii, promovere omnem moverint lapidem, & inter primas curas eam semper habuerint. Sed vestræ virtutes tali non indigent præconio. Zelum Vestrum erga veram Religionem, haud ita pridem declarastis, dum novum Codicem Leiturgeticum ab exteris etiam laudatum & comprobatum, publice edi voluistis, de nulla re magis solliciti, quam ut Ecclesiæ emendari, Ministerium sacrum, doctrina, disciplina, ritus, ordo omnis, ad normam Apostolicam constitui possent, & subditis præivistis exemplo, haud nescii, dignam esse vocem majestate regnantis, legibus alligatum se Principem profiteri, quemadmodum etiam Illu-

D E D I C A T I O.

strissimæ Comites publica & domestica pietate & prudentia
 veræ Deborah, Batseba & Priscilla, Vobiscum junctis viri-
 bus, ut vitia in corruptissimo hoc seculo reprimerentur, al-
 laborarunt, quarum una eheu! immaturo fato, non si-
 ne vestro duntaxat, sed & omnium subditorum tristi &
 acerbo luctu e terra viventium erepta. Ne dicam de ve-
 stra liberalitate, humanitate & beneficentia, quam ex-
 periuntur subditi Vestri, & exules ob Religionem sedi-
 bus suis pulsi & palati, quibus per fugium, præsidium &
 commoda hospitia decrevistis; & nuper adhuc, *Illustris-
 sime REGENS*, hanc tuam humanitatem & clemen-
 tiam clamabant Tui Vianenses, quibus tuo suavi domi-
 nio velut lucem & animam reddidisti. Singularis illius
 clementiæ tuæ haud sum immemor, qua me indignum,
 sub vestro Sole & in vestro Comitatu natum, quem tan-
 quam almam patriam meam semper impense dilexi &
 colui, honorifico muneri admovere voluisti, & qua me
 non ita pridem persecutus es, cum Alkorum, quo
 Illustrissimus ac Generosissimus Filius *F. Christianus* nu-
 pera Budæ expugnatione, inter alia spolia à Turcis repor-
 tato, meam bibliothecam ornari voluit, benigne trans-
 mitti jussisti, spurcis quidem & impuris fabulis refertum,
 a me tamen tanquam insigne & gratissimum *κειμήλιον* sem-
 per asservandum, cujus loco clementer hoc quaecunque
 Scriptum accipias, Muhammedi Meccano, polygamiam &
 divortium concedenti, ex sacris Pandectis oppositum, sup-
 plex rogo. Te etiam, *Illustrissime CASIMIRE*, nunquam
 patrios visitans lares compello, quin clementiam, hu-
 manitatem, Illustrissimæ Domui vestræ hæreditariam,
 & animi in me propensissimi indicia observem; quemad-
 modum Illustrissimus & Generosiss. Filius natu minimus,
 postquam in celeberrimo Batavorum Athenæo studio-
 rum tyrocinia egit, in præcipua Europæ regna peregrina-
tionis

DEDICATIO.

tionis cursum continuaturus, hoc ipso die, gratia & favoris sui signa mihi dedit benigna sua praesentia. Causas edisserui, *Illustrissimi Comites & Nobiliores Domini*, cur *Illustrissimis vestris Nominibus UXOREM CHRISTIANAM* consecrandam duxerim, & cur publice profiteri voluerim, quod obsequium, quod studium, quam pietatem Vobis debeam. Deum ex intimis cordis penetralibus suppliciter veneror, ut Vos una cum *Illustrissima vestra Domo* tanquam pupillam oculi sui protegere & defendere, difficillimisque hisce rebus, suo Spiritu regere, & quam diutissime bono Ecclesiae & Reipubl. conservare dignetur! Perscriptum Harderovici ipsis Idibus Augusti Jul. An. Aerae Dionys. MDC LXXXVII.

*Illustrissimarum Vestrarum Excellent.
omni cultu & obsequio
Observantissimus*

JOHANNES MEYER

L E